

AMNESTY INTERNATIONAL

AFIRMASAUN PÚBLIKU

Index: ASA 57/002/2012
3 Feveiru 2012

Timór Leste: Parlamentu Nasionál tenki hapara vítima sira-nia direitu

Ohin Amnesty International ho Programa de Monitorizasaun do Sistema Judisiál (JSMP) husu ba Parlamentu Nasionál atu fó konsiderasaun imediatamente kona-ba esbosu lei rua kona-ba medida atu fornese justisa ba vítima sira ne'ebé sofre husi violasaun direitu umanu durante tinan 1975 to'o 1999.

Esbosu lei rua ne'ebé haruka tiha ona bá Parlamentu Nasionál iha fulan Juñu tinan 2010, buka atu estebalese programa reparasaun nasional ida no "Instituto Memoria Pùbliku". Esbosu lei sira ne'e fornese pontu importante sira atu komesa debate. Maski nune'e, lei rua ne'e presiza halo emendamentu signifikativu atu implementa vitima sira-nia direitu ba remédiu ne'ebé efetivu, inklui reparasaun kompletu tuir lei internasionál hateten.

Liutiha fulan 18, Parlamentu Nasionál seidak debate kona-ba esbosu lei sira ne'e ka halo mudansa nesesáriu. Parlamentu Nasionál planea tiha ona atu debate lei sira ne'e iha sesaun estrordináriu durante loron 1-3 fulan Feveiru. Maibé Parlamentu Nasionál kansela tiha ona debate ne'e atu fó prioridade ba diskusaun kona-ba esbosu lei pensaun parlamentár no lei ba rai. Desizaun ne'e hatudu katak Parlamentu Nasionál la halo kazu ka ignora tiha vitima ne'ebé sofre husi violasaun direitu umanu sira.

Kontinuasaun falla atu debate, altera no pasa lei sira ne'e sei kontribui ba klima impunidade no injustisia iha Timór Leste. Ne'e hamosu pergunta sériu sira kona-ba governu no partidu polítiku sira-nia kompromisu atu asegura justisa, lia-loos no reparasaun ba krime kontra umanidade no violasaun direitu umanu seluk ne'ebe akontese durante okupasaun Indonézia nian.

Ida ne'e la aseitavel tanba vitima no sira-nia família hein maizumenus tinan 12 - iha kazu barak mak, kleur liu ona.

Amnesty International no JSMP ejize ba Parlamentu Nasionál atu halo emendamentu esensial atu lori lei rua konsistente ho padraun internasionál. Emendamentu hirak ne'e inklui:

- habelar âmbito konaba sé maka benefisiáriu tanba agora 'benefisiáriu' inklui deit lista arbitráriu hosi 'vítima vulnerável';
- asegura katak formas reparasaun hotu-hotu bele disponivel ba vitima sira; no
- fornese medida espesifiku atu asegura katak feto sira bele iha asesu ba reparasaun, inklui atu kontra estigma no diskriminasaun ne'ebé vitima violénsia seksuál sira hetan nomós dezafia estereótipu jeneru ne'ebé hamosu violénsia kontra feto.

Amnesty International no JSMP mós husu Parlamentu Nasionál atu asegura katak Indonézia kumpre ninia responsabilidade tuir lei internasionál atu fornese reparasaun kompletu ba vítimaTimór-oan sira ne'ebé sai sofre krime tuir internasionál no violasaun direitu umanu seluk ne'ebé ninia tropas no ajénte sira komete ona durante tinan 1975 to'o 1999.

Debate no pasa lei rua ne'e maka nu'udar pasu importante to'o ba implementasaun ba rekomendasaun sira husi Comissão de Acolhimento, Verdade e Reconciliação (CAVR) no Comissão bilateral da Verdade e Amizade (CVA). Tinan barak ona Organizasaun sosiedade sivil sira no vítima sira iha Timór Leste ejize bebeik ona u justisa no reparasaun ba vítima violasaun direitu umanu ne'ebé mak akontese durante okupasaun Indonézia nian.

Iha fulan Outuburu tinan 2011, prosesu Revizaun Universál Periódiku (UPR) avalia Timór Lésté nia situasaun direitu umanu. Nasaun lima husu ba Timór Lésté atu implementa rekomendasaun sira husi CAVR no CVA. Timór Lésté hatán tiha ona atu konsidera rekomendasaun sira ne'e. Relatóriu UPR sei adopta iha fulan Marsu tinan 2012.

Iha ninia relatóriu foin daudaun ba Konsellu Seguransa ONU, Sekretáriu-Jerál Nasoins Unidas rekomenda atu Parlamentu Nasionál Timór Lésté debate esbosu lei rua ne'e. Nomós, Sekretáriu-Jerál Nasoins Unidas haktuir katak progresu ka avansu ida liután mak implementasaun CAVR no CVA ninia rekomendasaun sira sei iha impaktu positivu ba dame no seguransa ne'ebé dura iha Timór Lésté. Nune'é, iha fulan Dezembru tinan 2011, Grupu Servisu Nasoins Unidas kona-ba ema lakon, obriga ka halakon ema ho forsa, ne'ebé vizita tiha ona Timór Lésté durante loron 7 to'o 14 fulan Fevreiro tinan 2011, no husu Parlamentu Nasionál atu debate no pasa lei rua ne'e.

Parlamentu nasionál tenki hapara ignora vitíma sira tanba falla atu konsidera esbosu lei rua ne'e. Tenki asegura lei rua ne'e hodi debate didi'ak no halo emenda atu lao tuir lei internasionál no padraun internasionál no atu aprova urjentemente lei rua ne'e.